

ՀԱՅԱՍՏԱՆԻ ԱՐԴՅՈՒՆԱՔԵՐԱԿԱՆ ԶԱՐԳԱՑՄԱՆ ՄԱԿԱՐԴԱԿԸ
XVIII ԴԱՐԻ ՎԵՐՁԻՆ ԵՎ XIX ԴԱՐԻ ՍԿՋՔԻՆ

Հ. Ե. ԹՈՒՄԱՆՅԱՆ

Քննարկվող ժամանակաշրջանում ինչպես Արեւելյան, այնպես էլ Արեւմտյան Հայաստանում տիրապետող տնտեսակարգը ֆեոդալականն էր։ Դրան համապատասխանում էր արդյունաբերության նախակապիտալիստական ձևը։ Նախքան խնդրի քննությանն անցնելը անհրաժեշտ ենք համարում մատնանշել, որ մինչև օրս մեզ մոտ չկա արդյունաբերության հարցերին նվիրված հատուկ աշխատություն։ Պատմական բնույթի որոշ աշխատություններում միայն, այլ հարցերի հետ միասին, այս կամ այն չափով շոշափվել են նաև արդյունաբերության հարցերը։ Մենք նկատի ունենք նախ և առաջ Ի. Շոպենի սովորածավալ և փաստական նյութով հարուստ աշխատությունը՝ նվիրված Արեւելյան Հայաստանի մի մասի պատմության, տնտեսության, կենցաղի և այլ հարցերի քննությանը պարսից տիրապետության վերջին շրջանում¹։ Այս աշխատության երրորդ մասի երկրորդ բաժինը վերնագրված է «Արհեստական հարստություններ»։ Հենց նրա առաջին գլուխն էլ նվիրված է արդյունաբերության և առևտրի հարցերին։ Այդ գլուխը վերնագրված է այսպես, «Արհեստային, գործարանային և առևտրական արդյունաբերություն»։

Պետք է նշել, որ Ի. Շոպենը արդյունաբերություն հասկացողությունը ազավաղելուց բացի, տնտեսական երևույթների քննությանը մոտեցել է ոչ գիտական ձևով և փաստորեն խնդրաթյուրել է դրանք։ Իհարկե, հարկ չկար, որ արդյունաբերության հարցերը քննելու կապակցությամբ մենք այսօր քննադատական խոսք ասեինք արանից ավելի քան հարյուր տարի առաջ լույս տեսած գրքի և նրա հեղինակի հասցեին, բայց գիտակցելով, որ տնտեսական գիտությունն այժմ շատ առաջ է գնացել։ Սակայն բանը նրանումն է, որ Շոպենի հիշյալ գիրքը լույս տեսնելուց հետո, նրանում շարադրված ոչ ճիշտ բնորոշումներն ու դատողությունները շարունակում են գրեթե նույնությամբ վերարտադրվել։ Արդյունաբերության այն ձևակերպումը, որ տրված է Շոպենի գրքում, անփոփոխ կերպով շարադրված է նույնիսկ վերջերս միայն լույս տեսած «Հայ ժողովրդի պատմություն» ձեռնարկում։

Ի. Շոպենը արդյունաբերություն ասելով նկատի է ունեցել արհեստը, գործարանը, առևտուրը և այլ զբաղմունքները։ Դրա հետ միասին նա խնդրաթյուրել է ինչպես արհեստ, այնպես էլ գործարան հասկացողությունները և այդ ձևով տվել Հայաստանի տնտեսական կյանքի միանգամայն սխալ և անհեթեթ բնութագրությունը։ Ի մի բերելով իր նյութերն ու մտքերը Հայաստանին՝ պարսից տիրապետության վերջին շրջանի արդյունաբերության մասին, Շոպենը կազմել է մի ամփոփիչ աղյուսակ²։ Հոտ այդ աղյուսակի տվյալների, քննարկվող ժամանակաշրջանում Արեւելյան Հայաստանում բացի «գործարանային արդյունաբերությունից» գոյություն են ունեցել արդյունաբերության 96 բնադավառներ, որոնք Շոպենն անվանում է արհեստ և այլ արդյունաբերություն։ Նա գրել է. «Հիշյալ աղյուսակն իր մեջ բովանդակում է Հայկական մարզում հայտնի արդյունաբերության բոլոր տեսակների մանրակրկիտ թվարկումը և նրանցում զբաղված բնակչության քանակը»³։ Շոպենի կողմից կազմված հիշյալ աղյուսակի քննությունից պարզվում է, որ արդյունաբերությամբ և արհեստով զբաղվողների ցանկում նա դրանցել է նաև րադկայներին, ֆիսալներին, աղավետ առևտուր անողներին, զուգնաչիներին, սրճավաճառներին, վաճառականներին, հեփմներին, այլուր վաճառողներին, գեթեգմաճափողներին, փալաճ-

¹ И. Шопен. Исторический памятник состояния Армянской области в эпоху ее присоединения к Российской империи, С.-Петербург, 1852.

² Նույն տեղում, էջ 843-850։

³ Նույն տեղում, էջ 842։

չինքներին, պատրաստի հագուստ վաճառողներին, գործակալներին, այգեպաններին, բանջարաբույծներին, եփած ճակնդեղով սոսկառաւ ածողներին, շաշխներին և այլոց¹։

Արդյունաբերությունը բնութագրող աղյուսակի մեջ վերոհիշյալ զբաղմունքները մտցնելը մի ավելորդ անգամ ցույց է տալիս, թե Շոպենը որքան հեռու է եղել երևույթների գիտական ըմբռնումից և ինչպես է բացահայտորեն աղավաղել Արևելյան Հայաստանի տնտեսական կյանքի իրական պատկերը։ Երբ Շոպենն անցնում է «արդյունաբերության» առանձին տեսակների բնութագրմանը, նրա մոտ արդյունաբերությունը, արհեստը և առևտուրը նույնացվում են, կամ փոխելով իր շարադրանքը Շոպենը եզրակացնում է. «Նկարագրելով դասերը, որոնք իրենց նվիրաբերել են մի որևէ օգտակար զբաղմունքի, պետք է հիշել նաև մարդկանց մի հատուկ դասակարգի մասին, որն իրեն համար բնաբեր է ոչինչ չանելու արհեստը։ Դրանք կոչվում են լոթի»²։ Այսպիսով, Շոպենը սահմանել է, որ Արևելյան Հայաստանում բնակչությունը, բացառությամբ «լոթիների», զբաղված է եղել 96 տեսակի արդյունաբերություններում, դրանց մեջ՝ մտցնելով հաճախ նաև օգտակար զբաղմունքն ընդհանրապես։

Իհարկե, ավելորդ պահանջկոտություն կլինեք սպասել, որ ցարական մի շինովնիկ, որը Ֆրեսկալ նպատակներով է զբաղվել տնտեսական հարցերով, տար անպիսի մի գործ, որն անվերջ պատահորեն ընդունելի լինեք Հայաստանի տնտեսական կյանքը ուսումնասիրելիս։ Համապարփապես սխալ կլինեք պահանջել, որ այդ նույն շինովնիկը արդյունաբերական կամ տնտեսական բոլոր կատեգորիայի բնութագրումը տար գիտության ներկայիս պահանջներին համապատասխան։ Սակայն դա երբեք էլ իրավունք չի տալիս ժամանակակից ուսումնասիրողին կրկնելու այսօր այն, ինչ ասված է եղել սրանից հարյուր տարի առաջ և այն էլ բացահայտորեն սխալ կերպով։

Անհրաժեշտ է նշել, որ թեև արդյունաբերությունը, արհեստը, առևտուրը և այլ տնտեսական կատեգորիաները Շոպենի կողմից գիտականորեն չեն բնութագրված, սակայն փաստական այն հարուստ նյութը, որ բերված է նրա զբոսում, լայն հնարավորություն է տալիս վերադասահատելու դրանք և տալու հարցի գիտական մեկնությունը։

Շոպենից հետո Հայաստանի արդյունաբերության հարցերը անուղղակի ձևով քննության են առնվել Ա. Մ. Պիրայովի 1900 թ. լույս տեսած «Կովկասի տնայնագործական արհեստագործությունները համառոտ ուրվագծեր» գրքում։ Այստեղ էլ հեղինակը տնայնագործություն հասկացողության տակ նկատի է ունեցել արդյունաբերության մի շարք ձևեր, այն է՝ տնային արդյունաբերությունը, արհեստը, մանր ապրանքային արտադրությունը։ Պետք է նկատել, որ արդյունաբերության նման բնութագրությունը Պիրայովի կողմից ոչինչ ինքնատիպ չի պարունակում, դա կրկնությունն էր ուսումնասիրողների, որոնք տնայնագործական արդյունաբերություն տեղմինի տակ դնում էին արդյունաբերության դանազան ձևերը։ Քննադատելով նարոդնիկ տնտեսագետներին Վ. Ի. Լենինը նշում էր, թե «տնայնագործություն» հասկացողության մոտքը մեր գրականության մեջ հասցրեց դանազան սխալաստիկ դատողությունների։ «Մի գիտական տնայնագործի անվան տակ «հասկանում էր» միայն ապրանքաշրջանառությունը, մյուսը ներառում էր արհեստավորներին, մեկն անհրաժեշտ հատկանիշ էր համարում գյուղի հետ ունեցած կապը, մյուսը թույլատրում էր բացառություններ, մեկը վարձու աշխատանքը դուրս էր գցում, մյուսը թույլատրում էր, օրինակ, թվով մինչև 16 բանվոր և այլն և այլն»³։ Այսպիսով «տնայնագործություն» հասկացողությունը չէր արտահայտում արդյունաբերության մի որևէ կոնկրետ ձև, ուստի և գիտական հետազոտության համար Վ. Ի. Լենինը այն համարում էր միանգամայն անպետք հասկացողություն։

«Տնայնագործություն» տակ դնելով արհեստներից մի քանիսը, մանր ապրանքային արտադրությունը և տնային արդյունաբերությունը, Պիրայովը «տնայնագործության» գոյությունը հեռավար հիմնավորումն է տալիս։

«1. Մեր լեռնային երկրում, տարբեր բարձրություններում, սկսած հավերժական ձյան գծից մինչև շոգ հարթավայրերը, ձմեռը շարունակվում էր 3—8 ամիս, երբ համարյա ամբողջ բնակչությունը միանգամայն ազատ է գյուղատնտեսական աշխատանքներից։

2. Հայաստանի և Արևմտյան Վրաստանի հողաստակությունը հնարավորություն չէր տալիս օգտագործել գյուղական բնակչության ողջ աշխատանքը երկրագործության համար։

¹ И. III о п е н, նշվ. աշխ., էջ 842—850։

² Նույն տեղում, էջ 855։

³ Վ. Ի. Լենին, Երկեր, հատ. 3, էջ 581։

3. Մուսուլմանությունները արևելյան և հարավային Անդրկովկասում համարյա չեն մասնակցում դաշտային աշխատանքներին և ազատ ժամանակի մեծ մասը նվիրում են տնայնագործական արհեստագործություններին:

4. Քուլփեր և կիսաքուլփեր բնակչությունը նույնպես հնարավորություն ունենալիս շատ ժամանակ հատկացնել արհեստագործություններին, հատկապես կանայք:

5. Ֆարքիկա-գործարանային արդյունաբերության միանգամայն աննշան զարգացման պայմաններում բնակչության ազատ աշխատանքի հսկայական քանակություն անտեղի, անարդյունաբար կկորչեր, եթե այն կիրառություն չգտներ տնայնագործության մեջ: Ապա հեղինակը շարունակում է. «Երկրի բնական պայմանների և կենցաղային առանձնահատկությունների հետևանքով գյուղական բնակչությունը դեռևս անհիշելի ժամանակներից սովորել է վերամշակել բազմազան հումք, մշակելով անհրաժեշտ տեխնիկական և զենարվեստական պրիմիտիվ արտադրություն բազմազան ճյուղերի համար»:

Այնուհետև հեղինակը մի առ մի քննություն է ենթարկում «տնայնագործության» այն ճյուղերը, որոնք տարածված են եղել երկրի այս կամ այն մասերում, Փաստական նյութի ուսումնասիրությունից պարզվում է, որ այսպես կոչված «տնայնագործական արհեստագործությունների» մի զգալի մասը այլ բան չէ, քան գյուղացու բնտանիքում հումքի վերամշակում՝ իր իսկ սեփական պահանջները բավարարելու համար, իսկ մնացած մասն էլ արհեստային արտադրություն է, որին հեղինակը մի ընդհանուր սահմանում է տվել՝ «տնայնագործական արհեստագործություններ»:

Տնային արդյունաբերության անտեսումը շատ ավելի կոպիտ սխալների է հանգեցրել Ի. Շոպենին, երբ նա նույնացրել է արհեստների հետ: Շոպենը արհեստի տակ դրել է բոլոր զբաղմունքները, բացի գյուղատնտեսական աշխատանքներից, առանձնացնելով միայն այսպես կոչված «գործարանային արդյունաբերությունը»: Դրա հետևանքով նա արհեստականորեն մեծացրել է արհեստների և արհեստավորների թիվը և հաշիվ տնային արդյունաբերության, որովհետև տնային արդյունաբերությունը նույնացրել է արհեստի հետ:

Պարսից տիրապետության վերջին շրջանում Արևելյան Հայաստանում, ըստ Շոպենի, գոյություն են ունեցել արհեստի 96 անհատներ, որոնցով զբաղված է եղել 10124 մարդ, նույն Շոպենի տվյալներով պարսից տիրապետության վերջին շրջանում Երևանի, Նախիջևանի և Որդուքատի խանության ողջ բնակչության թիվը կազմել է 118650 մարդ, որի մոտ 20 տոկոսը կազմել են քուլփոսերը և մոտ 10 տոկոսը՝ արտոնյալ դասի ներկայացուցիչները, որոնք, իհարկե, արհեստով չէին զբաղվում: Դուրս գալով այդ քանակությունը, մնում է 84 հազար մարդ, որից, ինչպես պնդում է Շոպենը, 10124-ը զբաղվել են արհեստով: Այդ նշանակում է, որ աշխատանակ բնակչության 4-ից մեկը արհեստավոր է եղել, որն իհարկե, հիմնովին սխալ է: Գաղտնիքն այն է, որ գյուղացիների ամեն մի զբաղմունքը, որը երկրագործական կամ անասնապահական չի եղել, այլ կապված է եղել այդ ճյուղերի արտադրանքի վերամշակման հետ, Շոպենը համարել է արհեստ: Դրանով է բացատրվում նաև Շոպենի այն տնչիմն և ըստ էության մտադածին հայտարարությունը, որ նա ունում է Հայաստանի արհեստների և արհեստավորների մասին: Ահա թե ինչ է ասում նա. «Այստեղի կիսավայրենի երկրում արհեստն ամեն մի քայլափոխում հիշեցնում է այն ժամանակը, երբ մարդը նոր-նոր հասկանալով հասարակական կյանքի օգտակարությունը, թողնեց անտառները և քարանձավները և խաբխափելով սկսեց բոլոր կողմերով դեռ անհայտ իր սիրածները: Մինչև այժմ էլ այստեղի արհեստավորը առանց դադարի, գործիքների, աննկարագրելի ջանքերով աշխատում է ձեռքերով ու ոտքերով իր անհայտ շինվածքի վրա, գլխի շրթներով նույնիսկ, որ կարելի է նույնը պատրաստել ավելի քիչ աշխատանքով և անհամեմատ ավելի լավը»²: Հասկանալի է, որ ցարական չինովնիկ Շոպենը այլ կերպ չէր կարող արտահայտվել գաղութային բնակչության մասին, քան նրանց անվանելով վայրենիներ կամ կիսավայրենիներ: Սակայն դա հարցի մի կողմն է: Արհեստների խիստ հեռամանացության մասին նրա կեղծ պատկերումը հետևանք է միաժամանակ իր իսկ տգիտության, երբ նա տարբերություն չի դրել գյուղացու բնտանիքում կատարվող տնային արդյունաբերության և արհեստների միջև: Այսպես ինչով բացատրել Շոպենի այն պնդումը, թե Հայկական մարզի յուրաքանչյուր բնտանիք ունի ջուլճակային հաստոց, բամբակից ու բրդից պատրաստում է գործվածք

¹ А. С. Пиралов, Кустарная промышленность закавказских республик, *տե՛ս* «Закавказье, статистическо-экономический сборник», Тифлис, 1925, էջ 371—372:

² И. Шопен, *նշվ. աշխ.*, էջ 842:

և այդ հիման վրա էլ հայտարարում, թե ջուլհակները կազմում են այստեղի արհեստավորների ամենաբազմամարդ դասը¹։

Ըստ Շոպենի հաշիվների, ջուլհակային հաստոցների թիվը կազմել է 4204, իսկ տարեկան արտադրանքը՝ 500000 արշին։ Ուրիշ խոսքով, ամեն մի հաստոցով տարեկան արտադրվել է 119 արշին կտավ։ Առնվազն անհիթեթիվուն է պատկերացնել, որ ջուլհակ արհեստավորը տարեկան գործել է ընդամենը 199 արշին կտավ։ Այդպես է ստացվել, որովհետև Շոպենը նույնացրել է արհեստավոր-ջուլհակին և գյուղացու բնույթիցով սեփական կարիքների համար աշխատողներին, այսինքն՝ տնային եղանակով կտավ գործողներին։ Պնտք է ընդունել, որ Շոպենի կողմից ցույց տրված ջուլհակ-արհեստավորների մեծամասնությունը արհեստավորներ չեն եղել, ուստի և դրանց արհեստավոր համարելով Շոպենը անհիմն կերպով վարկաբեկել է ջուլհակ արհեստավորներին, որոնք ոչ միայն նոր չէին դուրս եկել քարանձավներից, այլև ժառանգելով անցյալի սերունդներից արհեստի շատ բարձր կուլտուրա, իրենց հմտությամբ և գործվածքների գեղարվեստական ձևավորմամբ շատ ժողովուրդների հիացմունքն էին առաջացնում։ Այն ցածր արվեստով աշխատող «ջուլհակը», որին այնքան մոռալ գույներով ներկայացրել է Շոպենը, արհեստավոր չէր, այլ սովորական գեղջկուհի, որը կտավ էր գործում ոչ թե պատվերով, այլ սեփական բնականորեն անդամների առօրյա պահանջները բավարարելու համար։ Իսկ ճախարակ մանող և ապա գործող այն գեղջկուհին էր, որի վիշտն ու ցավն է երգել հայ բանաստեղծը, երբեք էլ չհամարելով նրան արհեստավոր։ «Ճախարակ»-ի հեղինակը շատ ուղիղ լավ էր հասկանում տնային արդյունաբերության էությունը, քան միև մի ժամանակի այն անտեսագետները, որոնք, կրկնելով Շոպենին, տնային արդյունաբերությունը նույնացնում են արհեստների հետ։

Ցավոք պետք է նկատել, որ Շոպենի կողմից Հայաստանի նախակապիտալիստական շրջանի արդյունաբերության մասին տված բնութագրությունը նույնությամբ կրկնվել է հետագայում այդ հարցով զբաղվողներից շատերի կողմից և շարունակում է կրկնվել նաև այժմ։ 1957 թ. լույս տեսած «Հայ ժողովրդի պատմության» միջնակարգ դպրոցի ձեռնարկի II մասում կարգում ենք. «XIX դարի 30-ական թվականներին Հայկական մարզում արհեստների թիվը հասնում էր 96-ի։ Արհեստներով զբաղված էր ավելի քան 10 հազար մարդ, որից նրեանում՝ 2349, Նախիջևանում՝ 715, Օրդուբադում՝ 608, իսկ շրջաններում՝ 6476»²։ Դժվար չէ նկատել, որ վերևում բերված թվերը Շոպենի կազմած աղյուսակի հանրագումարային տվյալներն են, որոնք, ինչպես ասել ենք, արհեստավորների մեջ են ընդգրկում աղավնիների առևտրականներին, հեթմաններին, շառլիներին, գերեզմանափորներին, զուռնաչիներին և բազմաթիվ այլ կարգի, արտադրական նշանակություն չունեցող զբաղմունքների տեր մարդկանց։ Այսպիսով ստացվում է, որ արհեստի և արդյունաբերության մասին սրանից ավելի քան հարյուր տարի առաջ Ի. Շոպենի կողմից տրված ոչ գիտական ուսմունքները ընդունվում են անվերապահորեն։

Շարունակելով Շոպենի տված բնորոշումները, դասագրքում ասվում է. «Արհեստներից ամենատարածվածը ջուլհակությունն էր։ Հայկական մարզի բնակիչներից շատերն ունեին իրենց դազգահները և բամբակից թել էին մանում և կտավ գործում։ Դազգահների թիվը հասնում էր 4206-ի, իսկ կտավի տարեկան արտադրանքը կազմում էր մոտ 500 հազար արշին։ Արհեստավորները տարիներ շարունակ մասնագիտացնում էին մեկ կամ մի քանի իրեր պատրաստելու մեջ և երբեմն կատարելության էին հասցնում իրենց ձեռքի աշխատանքը»³։ Ինչպես երևում է, այստեղ էլ նույն Շոպենի կազմած աղյուսակի թվերն են բերված ու այն դատողությունները, որ կատարել է Շոպենը ջուլհակության վերաբերյալ։

Նույն ձևով Շոպենի թվերն ու մտքերը վերարտադրվել են նաև «Ակնարկներ XIX դարի հայ անտեսական մարքի պատմության» գրքում, որը լույս է տեսել 1955 թ.։ Այնտեղ մենք կարդում ենք. «Ռուսաստանին միանալու շրջանում Հայաստանում հաշվվում էր մոտավորապես 4200 ջուլհակային հաստոց, որոնք մշակում էին տարեկան ավելի քան 500 հազար արշին կտավ։ Արհեստավորների մեջ ջուլհակներն առավել բազմամարդ էին։ Համարյա յուրաքանչյուր բնույթիցով պատրաստվում էին բրդյա գործվածքներ, դրանով հիմնականում զբաղված էին կանայք»⁴։ Ինչպես նկատում ենք, գյուղացու տանն իր սեփական կարիքների համար գործվող կտավի արտադրությունն էլ համարված է արհեստ, որը հիմնովին սխալ է։

¹ И. Шопен, *Узф. աշխ.*, էջ 85։

² «Հայ ժողովրդի պատմության», II մաս, Երևան, 1957, էջ 52։

³ Նույն տեղում, էջ 54։

⁴ X. Гуланиян, *Очерки истории армянской экономической мысли XIX века*, Москва, 1955, էջ 46։

Այդ մասին մենք կիտակենք արդյունաբերության տարբեր ձևերը քննելիս, իսկ այժմ մասնաձևերը, որ հայ ժողովրդի պատմության ձեռնարկում էլ ժխտվել է արհեստի՝ արդյունաբերության ձևերից մեկը լինելը։ Ահա ինչ է տաված այնտեղ. «XIX դարի առաջին կեսին Հայաստանում արդյունաբերություն այդ բառի իսկական իմաստով գոյություն չուներ։ Բայց կային տնայնագործական զանազան ձեռնարկություններ, որոնք արհեստների հետ միասին, կարևոր դեր էին խաղում ժողովրդի առօրյա կարիքները բավարարելու գործում»։ Սաացվում է, որ նույնիսկ XIX դարի առաջին կեսին էլ Հայաստանում արդյունաբերություն չի եղել, այլ եղել են արհեստներ և տնայնագործություն։ Այդպիսի մոտեցումը հիմնովին սխալ է և չի համապատասխանում արդյունաբերության գիտական հասկացողությանը։ Փոխանակ նշելու արդյունաբերության այս կամ այն կոնկրետ ձևի բացակայությունը, ժխտվում է առհասարակ արդյունաբերության գոյությունը, անտեսելով, որ արհեստները և «տնայնագործական ձեռնարկությունները», որոնց մասին հիշատակվում է, այլ բան չեն, քան արդյունաբերություն։ Իսկ թե ինչ է նկատի առնված «տնայնագործական ձեռնարկություններ» հասկացողության տակ, այդ մասին ձեռնարկում ոչինչ չի ասվում։

* * *

Արդյունաբերությունը, որպես տնտեսական գործունեության ասպարեզ և որպես ժողովրդական տնտեսության հիմք, տարբերվում է տնտեսական գործունեության մյուս ասպարեզներից իր աշխատանքի գործիքներով, աշխատանքի առարկաներով ու վերջիններս գործադրության մեջ դնող օգտակար աշխատանքի տեսակներով։ Գիտականորեն ասացուցված է, որ արդյունաբերությունը տնտեսական գործունեության այն ասպարեզն է, կամ ժողովրդական տնտեսության այն հիմքը, որը երկրի ընդերքից օգտակար հանածոներ է հայթայթում (հայթայթող արդյունաբերություն) և վերամշակում դրանք, բացի այդ վերամշակում է նաև գյուղատնտեսական հումքը (վերամշակող արդյունաբերություն)։ Արդյունաբերությունը, որպես այդպիսին, իր զարգացման ընթացքում անցել է տարբեր փուլեր, և մարդկանց արդյունաբերական գործունեությունը իրականացել է արտագործների և սպառողների միջև հաւարակական տարբեր կապերի և հարաբերությունների պայմաններում։ Դրանց համապատասխանել են արդյունաբերության արտադրանքը հասարակության տարբեր խմբերի միջև բաշխելու ձևերը։

Որո՞նք էին նախակապիտալիստական շրջանի արդյունաբերության ձևերը և ի՞նչ չափով էին դրանք տարածված Հայաստանում XVIII դ. վերջերին ու XIX դ. սկզբներին և հետագայում՝ մինչև կապիտալիստական հարաբերությունների ծագումը։

Փաստական նյութի հետազոտությունը ցույց է տալիս, որ քննարկվող ժամանակաշրջանում Հայաստանի տնտեսության մեջ արդյունաբերությունը գոյություն է ունեցել հետևյալ շրջաձևերով. տնային արդյունաբերություն, մանր ապրանքային արտադրություն, արհեստ և մանուֆակտուրա։

Արդյունաբերության սկզբնական ձևը, որ տակավին չէր անջատվել գյուղատնտեսությունից, ինչպես ամենուրեք, այնպես էլ Հայաստանում հանդիսացել է տնային արդյունաբերությունը։ Այն նախորդել է արդյունաբերության մեացած ձևերին և նրա ծագումը շատ հին է։ Հասկանալի է, որ տնտեսական կյանքի զարգացմանը զուգընթաց հետզհետե նվազել է տնային արդյունաբերության դերն ու նշանակությունը։ Տնտեսական զարգացման այն աստիճանը, որում գտնվում էր Հայաստանը XVIII դ. վերջերին և XIX դ. սկզբներին, ոչ միայն չէր բացառում տնային արդյունաբերության գոյությունը, այլև ենթադրում էր այն։

Ո՞րն է արդյունաբերության այդ ձևի էությունը և որո՞նք են նրա բնորոշ գծերը։ Տնային արդյունաբերությունն ասելով մենք հասկանում ենք հում նյութի մշակումը գյուղացիական ընտանիքում։ Դրա բնորոշ դիմն աչն է, որ հումքի հայթայթումը և նրա վերամշակումը կատարվում է գյուղացիական ընտանիքի անդամների կողմից, չի կիրառվում ուրիշի աշխատանքը, իսկ արդյունքը բացառապես ծառայում է սեփական պահանջների բավարարմանը։ Այլ խոսքով ասած, արդյունաբերության այդ ձևը հատուկ է բնատնտեսությանը, կազմում է նրա բաղկացուցիչ մասը և ենթադրում է մանր գյուղացիական տնտեսությունների առկայությունը. իր այդ ձևով ու բնույթով տնային արդյունաբերությունը միացած է գյուղատնտեսության հետ։ Բամ-

¹ «Հայ ժողովրդի պատմություն», II մաս, էջ 54։

քակի, բրդի տնային վերամշակումը և դրանցից սնային ձևով սկզբական պահանջմունքները բավարարելու համար հագուստ պատրաստելու բնատնտեսության անխուսափելի ուղեկիցներն են:

Պետք է նշել, որ արդյունաբերության այս ձևի գոյությունը հայ պատմագիտական գրականության մեջ լիովին անտեսվել է և, ինչպես տեսանք, արդյունաբերության այս ձևը նույնացվել է արհեստի հետ: Դրանով իսկ մի կողմից արհեստականորեն լայնացվում էին արհեստի շրջանակները, իսկ մյուս կողմից՝ փաստորեն անտեսվում էին գյուղական ընտանիքում կատարվող, հումքի վերամշակման հետ կապված արտադրական դործունեության բազմաթիվ տեսակները: Բամբակի ու բրդի վերամշակումը տնային արդյունաբերության կարևոր ասպարեզն էր, քանի որ ստացված թելերից, տնային կրկին վերամշակման ձևով, գյուղացիներն ստանում էին դործվածքներ ու կարում հագուստ: Բրդյա գործվածքներից մեծ մասամբ պատրաստում էին վերնադիզաններ, գուլպաներ, ձեռնոցներ, իսկ բամբակյա գործվածքներից՝ ներքնազգեստ: Բրդի կոշտ տեսակներից, ինչպես և այծի մազից գյուղական ընտանիքում պատրաստում էին զանազան պարաններ, թոկեր, լարեր և այլն, որոնք օգտագործվում էին անասունների կապելու, քարծած սալիկի բեռն ամրացնելու և այլ նպատակներով: Շատ տարածված էր կոշտ բրդից և մազից մեծ պարկեր պատրաստելը (6—12 փուխ հացահատիկի տարողությամբ):

Անասնապահական մթերքների վերամշակումը յուրաքանչյուր գյուղական ընտանիքի ու հատկապես կանանց գործունեության կարևոր ասպարեզն էր (առաջին հերթին՝ կաթի վերամշակումը և նրանից յուղի ու զանազան կաթնամթերքների ստացումը): Տնային եղանակով էին վերամշակվում կաշիքն և մորթիքն: Հայ գյուղացին ինքն էր պատրաստում իր ընտանիքի անդամների համար ոտնամաններ (մեծ մասամբ տրեխներ): Կաշվից պատրաստում էր լծափուկեր, զանազան շափի և հաստության կաշվի թոկեր և այլ հարմարանքներ, որոնք օգտագործվում էին արորի, գովմանի, կամի, սայլի և այլ գործիքների օգտագործման ժամանակ: Տնտեսական նշանակություն ունեին ոչխարի և այծի մորթիքները, հորթի կաշին և այլն, որոնցից պատրաստում էին մուշտակներ, գլխարկներ և այլն:

Տնային վերամշակության էր ենթարկվում ցորենի, գարու, բրնձի ծղոտը, որից պատրաստում էին տմառային գլխարկներ, սալաներ, հացամաններ և գեղարվեստական զանազան իրեր: Կավի տնային վերամշակումը գյուղացիներին տալիս էր ամեն չափսի ու տեսակի ամաններ, կարասներ, կօեր, թոկեր և այլն և այլն:

Քննարկվող ժամանակաշրջանում տնային արդյունաբերությունը դեռևս այնքան կենսունակ էր, որ հաղթվ թե հնարավոր լինել գտնել մի գյուղական ընտանիք, որն այս կամ այն չափով զբաղված չլիներ գյուղատնտեսական հումքի տնային վերամշակությամբ: Ավելին, եթե մենք ուզենանք սահմանադրապես տնային արդյունաբերությունն արհեստից ու ցույց տալ գրանցից յուրաքանչյուրի խաղաղած դերը գյուղական կյանքում, կնկատենք, որ տնային արդյունաբերության նշանակությունը արհեստի համեմատությամբ դեռևս շատ մեծ էր:

Մանր ապրանքային արտադրությունը: Արդյունաբերության տնային ձևն այն է, երբ գոյություն չունի ոչ ապրանքային արտադրություն և ոչ էլ ապրանքային շրջանառություն: Սակայն սխալ կլինի կարծել, թե ֆեոդալական հասարակության պայմաններում, ուր բնատնտեսության հետ միասին ավել կամ պակաս չափով առաջանում են ապրանքա-գրամական հարաբերությունները, արդյունաբերության մյուս ձևերը իսպառ բացակայում են: Արդյունաբերության հիշյալ ձևերի հետ միասին գոյություն ունի և աճել նաև մանր ապրանքային արտադրությունը, որի արտադրանքի որոշ մասը հանդիսանում է ապրանք:

Գյուղացիական մանր արդյունաբերությունը Հայաստանում զարգանում էր գլխավորապես տեղական շուկաներին մոտ շրջաններում, այգեգործական և տեխնիկական կուլտուրաների մշակման վայրերում, օդառակար հանածոների որոշ տեսակներով (գլխավորապես աղ և մետաղներ) հարուստ վայրերում: Այսպես օրինակ, գյուղական մանր ապրանքային արտադրությունը XVII—XVIII դարերում արագորեն զարգանում էր Կողբի աղահանքերի մոտակա գյուղերում և հատկապես Կողբ գյուղում: Այդ գյուղի արական սեռի շափահաս բնակչությունը զգալի մասն զբաղված էր աղի հալթայմամբ: Կողբի աղահանքը բաժանված էր առանձին տեղամասերի, և ուղի առաջինն էր մաքրել աղահանքի վերին շերտերը, նա էլ դառնում էր ուղիւ տեղամասից միակ աղ հանողը: Այդ ձևով գյուղացիները աղահանքը փաստորեն բաժանել էին իրենց միջև և շատ հաճախ արդեն մաքրված տեղամասերը վաճառում էին միմյանց: Կողբի աղահանքերը Անդրկովկասում համարվում էին խոշոր աղահանքեր, այստեղից աղ էր փոխադրվում ոչ միայն Արևելյան Հայաստանի տարբեր մասերը, այլև Կրասնոյե, մասամբ նաև Արևմտյան Հայաստան և այլուր: Աղի հանույթով զբաղված գյուղացիները իրենք չէին փոխադրում աղը վաճառքի վայրը և ոչ էլ հատուկ միջնորդներ կային այդ գործի համար: Տրադիցիոն կերպով տարբեր վայրերից այստեղ

է համարել միայն քաղաքում զբաղվածներին, նկատի ունենալով, որ, ինչպես վերևում տեսանք, գյուղական շուկաներին պետք է դասել տնային արդյունաբերության մեջ զբաղվածների շարքը:

Արհեստների տեսակները	Արհեստով զբաղվողների թիվը		Բնդամենը արհեստավոր
	բազա	գյուղ	
1. Մաշկակարներ	213	61	274
2. Բրուտագործներ	20	88	108
3. Քարտաշներ	47	66	113
4. Ալյուրագործներ	—	2	2
5. Կաշեգործներ	83	29	112
6. Խարբիններ	85	238	323
7. Ներկարարներ	7	62	69
8. Պղնձագործներ	28	10	38
9. Զինագործներ	41	26	70
10. Դերձակներ	62	118	180
11. Արծաթագործներ	48	107	155
12. Ատաղձագործներ	136	353	489
13. Զուլճակներ	427	3779	4206
14. Գլխարկ կարողներ	141	12	153
15. Շիկաչներ	40	51	91

Արհեստների նույն տեսակները, փոքր տարբերությամբ, տարածված են եղել նաև Արևմտյան Հայաստանում, մասնավորապես քաղաքներում: Հասկանալի է, որ յուրաքանչյուր քաղաքում կարող է բացակայած լինել վերևում բերված արհեստներից որեէ մեկը և, ընդհանրապես, կարող են տարածված լինել արհեստի այլ տեսակներ: Նպատակ չունենալով տալ Հայաստանի քաղաքներից յուրաքանչյուրում տարածված արհեստների բոլոր տեսակների նկարագրությունը, անհրաժեշտ ենք համարում նշել հետևյալը:

Արհեստագործության զարգացմանը այս կամ այն քաղաքում հիմք է ծառայել գյուղատնտեսական հումքը (գլխավորապես բամբակը, բուրդը, կաշին), որի մի մասը ենթարկվել է տնային վերամշակման՝ հենց գյուղական բնտանիքներում (տնային արդյունաբերություն), իսկ մյուս մասը անցել է քաղաքային արհեստավորների ձեռքը, որոնք արտադրել են կամ անմիջականորեն պատվիրատուի, կամ էլ շուկայի համար: Մետաղամշակությունը կատարվում էր զարբերի, սղնձագործի, արծաթագործի, ոսկերչի կողմից, բոտ սրում ինչպես քաղաքներում, այնպես էլ գյուղերում տարածված արհեստ էր զարբերությունը: Դարձի արհեստանոցն այն բնիկներուս արհեստանոցն էր, ուր պատրաստվում էին ինչպես տարբեր արհեստների համար անհրաժեշտ մետաղյա գործիքներ, երկրագործական գործիքներ ու նրանց մասեր, այնպես էլ կենցաղային զանազան առարկաներ: Պղնձագործությամբ զբաղվողները պղնձից պատրաստում էին զանազան ամաններ (կաթսաներ, թասեր, ափսեններ, ջրամաններ, դուլեր) և այլ իրեր: Մետաղագործ արհեստավորների մեջ, մասնավորապես Արևմտյան Հայաստանի մի քանի քաղաքներում, կարևոր դեր են ունեցել արծաթագործներն ու ոսկերիչները: Ոսկերչության հիմնական կենտրոն հանդիսացել է Վան քաղաքը, որտեղ ոսկերիչ արհեստավորները պատրաստում էին շատ նուրբ և բարձր ճաշակի ոսկյա զանազան իրեր ու զարդաբանքներ: Վան քաղաքի արծաթագործները պատրաստում էին արծաթյա զավաթներ, ծխախոտի տուփեր, բաժակակաշներ, սափորներ, ափսեններ, ապարանջաններ և այլ իրեր: Վանի ոսկերիչ և արծաթագործ վարպետների պատրաստած իրերը լայն հռչակ էին ստացել և արտահանվում էին երկրից դուրս: Վանից հեռու ոսկերչության և արծաթագործության կարևոր կենտրոններ էին երզնկան, Բագեշը, Էրզրումը:

Անհրաժեշտ է նշել նաև, որ հայ արհեստավորների մի զգալի մասը գտնվում էր Հայաստանից դուրս՝ Վրաստանում, Ասորիստանում, Ղրիմում, Արևմտյան Սվրաբիայի շատ ու շատ վայրերում, Հնդկաստանում և այլուր:

Մանուֆակտուրային առաադրություն: XVIII—XIX դարերում արդյունաբերության այս ձևը անհրաժեշտ զարգացման գեո շեր հասել է, որով հեղինակներն հույսով խոսում են այդ շրջանում որպես թե գործարանային արդյունաբերության մասին, սակայն փաստ է, որ այն, ինչ դասվել է գործարանների շարքը, մեծ մասամբ մանր ապրանքային արտադրություն է եղել, որի զարգացումը հասցրել է մանուֆակտուրային ձևերակությունների առաջացմանը: Այսպես օրինակ, լեռնահանքի հանույթի ու հանքաքարի վերամշակության գծով անցյալում Եղած մասը

ապրանքային ձեռնարկությունների զարգացման բաղադրի վրա XVIII դ. վերջերին միայն առաջացել են սահմանափակ թվով մանուֆակտուրային ձեռնարկություններ: Մենք նկատի ունենք պղնձի, արծաթի, ոսկու և անագի մշակումը:

Մինչև XVIII դ. երկրորդ կեսը Ալավերդու և Զանգեզուրի մետաղահանքերի մշակության վերաբերյալ չկան համապատասխան տեղեկություններ, թեպետ հայտնի է, որ դրանք մշակվել են շատ հույս: XVII դ. պատմիչ Հակոբ Կարենցին տեղեկություններ է հաղորդում Գյումուշ-խանայի ոսկու, արծաթի, պղնձի, արձնի և երկաթի հանքերի մշակության մասին: «Եւ անտի ուղիղ ի կողմն հիւսիսոյ ձորն է Մանսխոյ, ունի գիւղը և փոքր բերտորայք... և ունի քաղաք զԿիւմուշխանան... Եւ բնակիչք սորա հայ և հոռոմք բազում... և ելանէ աստի ոսկի և արծաթ ընտիր բազում, ելանէ նաև պղինձ, արձնի, և երկաթ բազում, որ Արզրում և շրջակայքն նորա ընտան: Այս վկայությունը, սակայն, չի խոսում այն մասին, թե արտադրությունն ի՞նչ ձև ունեւ: Հավանական է, որ նա ունեցել է մանր ապրանքային արտադրության բնույթ:

Ինչ վերաբերում է Ալավերդու և մերձակա մետաղահանքերի մշակությանը, ապա տեղեկությունները վերաբերում են ուշ շրջանին, այն է՝ XVIII դ. երկրորդ կեսին: XIX դ. հետազոտողները ցույց են տվել, որ մինչև XVIII դ. 70-ական թթ. Ալավերդու և Զանգեզուրի մետաղահանքերի մշակությունը ընդհատված է եղել, և միայն 1763—1770 թթ. է հիմք դրվում սկզբում Ախթալայի և ապա Ալավերդու մետաղածուլական ձեռնարկություններին: Աղբյուրներում հիշյալ ձեռնարկություններն անվանվում են «գործարաններ», որն անշուշտ, հիշատակում է «Լեռնային հանդեսը» («Горный журнал») 1863 թ. IV հատորում, ապա և լեռնային արդյունաբերության պատմության մասին հետագա հեղինակների կողմից բերված փաստական նյութի ուսումնասիրությունից պարզվում է, որ հիշյալ ձեռնարկություններն սկզբնապես ոչ միայն գործարաններ, այլև մանուֆակտուրաներ չեն եղել: Առաջին աղբյուրում հիշատակվում է, որ բննարկվող մասնակալը շրջանում Ախթալայում և Ալավերդում հանքաքարի հանույթը կատարվել է առանձին բնտանիքների կողմից (այսպես կոչված բնտանիկան կոպերացիայի ձևով), որոնք և վերամշակել են այն: Պատահական չէ, որ նույն աղբյուրում ասված է, թե գործարանատերերի քանակը որոշվում էր այն բնտանիքների թվով, որոնք ապրում էին գործարաններում:

Լեռնային գործի վերականգնման մասին Մ. Ա. Շոտտսկը հաղորդում է, որ սկզբում հիմք դրվեց Ախթալայի գործարանին, 1770 թ.՝ Լավիադի, կամ ինչպես անվանում են այժմ՝ Ալավերդու, ավելի ուշ՝ Շամլուղի գործարանին: Շատ շանցած դրանք հոսան ծաղկուն վիճակի, այն աստիճան, որ Ախթալայի գործարանը մեկ տարվա ընթացքում տվեց 493 լիտր արծաթ (1 լիտր = 3,6 կգ): Սակայն ոչ բոլոր տարիներին էր այդպես, որոշ դեպքերում ստացվում էր միայն 300, իսկ հաճախ՝ 200 լիտր, երբեմն էլ ոչ ավելի, քան 150 լիտր արծաթ²: Կովկասում լեռնային գործի պատմությունը շարադրող մեկ ուրիշ հեղինակ հաղորդում է, որ լեռնային գործի զարգացումը Ալավերդում տեղի է ունեցել 1770-ական թթ., շնորհիվ այն բանի, որ վրաց թագավոր Հերակլը Բուրքիայից այնտեղ է հրավիրել հույն լեռնագործների, որոնք զարգացրել են այստեղ լեռնային արդյունաբերությունը: Հույն հանքամշակողների ավագ Անաստասիա Խոջաֆատովի հաղորդման համաձայն, Ախթալայի և Ալավերդու գործարաններում արտադրվում էր մինչև 5, 10, 15 հազար փութ պղինձ: Իհարկե, արտադրված պղնձի քանակությունը խիստ չափազանցված է, եթե նկատի ունենանք ձեռնարկությունների խիստ պրիմիտիվ տեխնիկան և այն, որ աշխատանքները կատարվել են ձեռքով, որը և հիմք է տալիս մեզ այդ ձեռնարկությունները համարել մանուֆակտուրաներ և ոչ թե գործարաններ: Ավելին, արտադրության տեխնիկայի, տեխնոլոգիայի և էկոնոմիկայի մասին մեզ հասած տեղեկությունները ցույց են տալիս, որ Ախթալայի, Ալավերդու և Շամլուղի ձեռնարկությունները ոչ միայն գործարաններ չէին, այլև խիստ ցածր մակարդակի վրա գտնվող մանուֆակտուրաներ էին:

Այդ երևում է հետևյալից: Նախ, հանքաքարի հանույթը կատարվել է ամենապրիմիտիվ ձևով, զերազանցապես վերին շերտում: Ինչ վերաբերում է հանքաքարից մետաղի ստացմանը, դա նույնպես կատարվել է բացարձակապես ձեռքի աշխատանքի օգնությամբ և ամենապրիմիտիվ մի եղանակով, որը կոչվում էր «ասիական եղանակ»: Հանքաքարն այրելու համար դարձում էին փայտի ու փայտածուխի կույտեր, փայտերի արանքներում տեղավորում էին հանքաքարը,

¹ Հ ա կ ո բ Կ ա Ր Ն Ե Յ ի, Տեղեկագիր վերին հայոց, Վաղարշապատ, 1903, էջ 15:

² Տե՛ս Մ. Ա. Шостак, Исторический очерк развития горного дела на Кавказе, Тифлис, 1901.

³ Տե՛ս С. Эсадзе, Очерк истории горного дела на Кавказе, Тифлис, 1903, էջ 13—14:

իսկ վրան լցնում մանր հանքանյութեր: Այրման պրոցեսն արագացնելու նպատակով ներքինյց օդի համար թողնում էին լայն անցքեր: Կուլտի շուրջը շարում էին քարեր, ինչպես սովորական խարույկներ պատրաստելիս: Այրված հանքաքարից ձուլման նույնքան պրիմիտիվ եղանակով, այսպես կոչված հանքալին ցածր վառարաններում, ստանում էին սև պղինձ, որից կարմիր պղինձ ստանալու համար ուժեղացնում էին ջերմությունը և ձուլման ճանապարհով մաքրում այն սև պղինձից: Մետաղի ելքը հանքաքարից կազմում էր ոչ ավել, քան ամբողջ պարունակության 70 տոկոսը. մեկ տոննա պղինձ ստանալու համար ծախսվում էր մինչև 14—15 տոննա հանքաքար, 17 տոննա փայտածուխ և 8 խորանարդ մետր փայտ: Պարզ է, որ պղինձի ձուլման այս տեխնոլոգիան ինքնին վերջում է այն մասին, որ մենք գործ ունենք ոչ թե գործարանի, այլ դեռևս զարգացման ցածր աստիճանի վրա գտնվող արդյունաբերության՝ մանուֆակտուրայի հետ:

Ալավերդու և Ախթալայի պղնձաձուլական ձեռնարկությունները շարունակում են իրենց գոյությունը մինչև 1785 թ., երբ ավերվում են Օմար խանի կողմից: 1795 թ. ձեռնարկությունը նորից է քայքայվում Աղա-Մահմեդ խանի հարձակման հետևանքով: Պղնձարդյունաբերությունը վերակենդանացավ միայն XIX դ. սկզբին, երբ Վրաստանի հետ միասին Ռուսաստանին միացան Հայաստանի հյուսիսային շրջանները, ուր և գտնվում էին Ալավերդու, Ախթալայի և Շամլուղի պղնձահանքերը:

Մանուֆակտուրային տիպի ձեռնարկություններ գոյություն են ունեցել նաև Նրեան քաղաքում. դրանք աղբյուրներում բնութագրված են որպես գործարաններ: Պետք է նկատել, որ հիշյալ ձեռնարկություններն իրենց տեխնիկայով և կոնստրուկցիայով ոչ միայն գործարաններ չէին, այլև շատ հեռու էին նույնիսկ կատարյալ մանուֆակտուրաներ լինելուց: Այդ կարգի ձեռնարկությունների շարքին կարելի է դասել օձառի պատրաստման, կաշվի մշակման, ձեռնարկությունները և ներկատները:

Քաղաքներում գոյություն ունեին օձառ արագորով հատուկ ձեռնարկություններ, որոնք կազմում էին պետական մենաշնորհ և արված էին մենավաճառով: Այդ հանգամանքն, անշուշտ, վճռող դեր էր խաղում օձառը աշխատավորական մասսաների համար խիստ անմատչելի լինելու գործում, որով և սահմանափակվում էին նրա օգտագործման շրջանակները: Մենաշնորհով արված ձեռնարկություններում պատրաստված օձառի համար սահմանվում էր շատ բարձր գին, որի հետևանքով այն դեվում և օգտագործվում էր բացառապես արտոնյալ գառի կողմից: Թերևս դրանով է բացատրվում այն հանգամանքը, որ գյուղացիները, իբրև կանոն, օձառ չեն օգտագործել և այն փոխարինել են զանազան բույսերով: Այսպես, Արաքս գետի ափերին աղակալած հողերում աճող «օջնա» կոչվող բույսը շրտացնելուց և ալրելուց հետո առացած մոխիրը գյուղացիներն օգտագործում էին օձառի փոխարեն:

Մանուֆակտուրային ավել կամ պակաս չափով մոտ ձեռնարկություններ էին հանդիսանում կաշի մշակող ձեռնարկությունները (դաբաղիտանները): Այդպիսի ձեռնարկություններ (թվով 32) գոյություն են ունեցել Նրեանում: Դրանք բոլորն էլ աեղավորված են եղել Նրեանի Զորագյուղ թաղում, Հրազդան գետի ափին: Կաշվի մշակման տեխնոլոգիան եղել է խիստ պարզ և միաժամանակ պրիմիտիվ. շորացած կաշին սովորական կարասներում թրջելուց հետո ենթարկել են հետագա մշակման, առանձին դեպքերում միայն ներկելով այն: Պատրաստի կաշին իրացնելու համար պետք էր ստանալ մենավաճառի թույլտվությունը, որը պետք է դրոշմեր կաշին և դրա համար ստանալ սահմանված քանակով գրամ:

Ինչ վերաբերում է ներկատներին, ապա նույնիսկ դժվար է նրանց մանուֆակտուրաներ անվանելը: Ձեռնարկությունն իր ամբողջ «սարքավորմամբ» հետևյալ պատկերն էր ներկայացնում. մի հասարակ խրճիթ, նրանում տեղավորված մի կարաս և կտորը կարասի մեջ խառնելու մի ձող: Ձեռնարկության այդպիսի ծավալն ինքնբերական կանխորոշում էր նրանում աշխատողների խիստ սահմանափակ քանակը և արտադրանքի չնչին չափերը: Ներկատները Նրեանում տեղավորված են եղել քաղաքի որոշակի մասերում: Կարմիր գույնի ներկող բոլոր ձեռնարկությունները (որոնք կոչվում էին շիլաչի-խանա) կենտրոնացած էին մի թաղում և այդ թաղն էլ կոչվում էր Շիլաչի-մահլա, իսկ կապույտ գույնի ներկողները (բոյա-խանաները) տեղավորված էին մի այլ թաղամասում, որի անունով էլ այդ թաղը կոչվում էր Բոյաչի-մահլա:

Արտադրական ձեռնարկություններից հիշատակվում է Նրեանի ապակու «գործարանը»: Հիշյալ ձեռնարկության ընդհանուր և արտադրության տեխնոլոգիայի նկարագրությունը բավական մանրամասն տրված է Շոպենի կողմից, թեպետ և գործարանը մինչ այդ արդեն դադարել էր գործելուց: Ձեռնարկությունը պարսկական տիպի է եղել և աչքի է ընկել իրեն հասույկ կառուցվածքով: Ապակու մասան պատրաստվել է սաշտակի ձև ունեցող հատուկ փառարանով: Այդ մասան ստանալու համար որպես հումք օգտագործվել է ավազի և սոգուրի հափաստը խառ-

նուրդը, որին ավելացվել է մարդանեց: Թողարկվել է չոթ գույնի ապակի, որ մեծ մասամբ օգտագործվել է մեշխտներում և պարսից մեծամեծների բնակարաններում՝ որպես լուսամուտի ապակի:

Արդյունաբերական ձեռնարկություններից հատուկ հետաքրքրություն են ներկայացնում էջմիածնի սպարանը և Թղթի «գործարանը»: Առաջինը հիմնադրվել է 1771 թ., իսկ երկրորդը՝ 1771 թ.: էջմիածնի սպարանում տպագրվում էին հոգևոր բնույթի գրքեր, օրացույցներ, տեղեկագրեր և այլն: Պետք է նկատել, որ էջմիածնի համար տպագրական գործը ոչ միայն հոգևոր, կրոնական պրոպագանդայի միջոց էր, այլև խոշոր եկամտի աղբյուր: էջմիածնի սպարանում տպագրված գրքերը և մասնավորապես եկեղեցական օրացույցները ուղարկվում էին աշխարհի դանդաղ մասերը, առաջին հերթին՝ հայ խոշոր գաղթավայրերը: Ուղարկված գրականության մի մասը վաճառքի էր հանվում, իսկ մյուս մասը, նվերների ձևով, ուղարկվում էր անվանի հարուստ վաճառականներին, որի գիմաց ստացվում էին մեծ դուռների նվիրատվություններ: Տպարանն էլ հենց կազմակերպվել էր հնդկահայ հարուստ Միքայել Խոջաջանյանի միջոցներով: Տպարանի անընդմեջ աշխատանքն ապահովելու նպատակով, Խոջաջանյանի միջոցներով կազմակերպվում է էջմիածնի Թղթի գործարանը: Թղթի գործարանի կազմակերպման վրա ծախսվել է 7800 թուման: Որպես հումք օգտագործվում էր բամբակը: Սակայն բացի բամբակից, էջմիածնի դանդաղան վայրերից հավաքում և օգտագործում էր նաև համաշ շորեր, այդ երկուսն էլ 1781 թ. էջմիածնի կաթողիկոսի կողմից Ախալցխա ուղարկված գրությունից, որտեղ բացի այլ բաներից խնդրվում է հավաքել և էջմիածնի Թղթի գործարանի պետքերի համար ուղարկել հնուտի շորեր. «ենվ հնուտի շոր և որ ինչ վասն Թղթաշինության ժողովների զայն ևս, զա պարտ եղև աստ, և դուր, սիրելիքդ մեր, պարտիք յօժարությանք տալ զհնուտի»՝ որքան և կարևորներ, որ ձեռք չէին ձանրություն, իսկ Թղթաշինության Սրբոյ Աթոռոյս ի մեծ ձեռնավութիւն և ձեռք պատճառ բարեաց վարձուց ի անտուն»¹: Թղթի գործարանը շատ կարճ ժամանակ է գործում, և նրա փակվելուց հետո Թղթին ստացվում է արտասահմանից: Ինչ վերաբերում է սպարանի և Թղթի գործարանի աշխատողների քանակին և նրանց արտադրանքի չափերին, ապա այդպիսի տեղեկություններ աղբյուրները չեն հաղորդում:

Այսպիսով, պատմական գրականության մեջ քաղաքացիություն գտած այն վերսիսն, թի XIX դ. սկիզբին Հայաստանում գոյություն չի ունեցել արդյունաբերություն, ինչպես և այն պրոչուր, թե եղել է գործարանային արդյունաբերություն, չեն համապատասխանում իրականությանը:

Փաստական նյութի ուսումնասիրությունը ցույց է տալիս, որ XVIII դ. վերջերին և XIX դ. սկզբներին Հայաստանում գոյություն են ունեցել արդյունաբերության հետևյալ ձևերը. տնային արդյունաբերություն, մանր ապրանքային արտադրություն, արհեստագործություն և նոր-նոր միայն սկիզբ առնող մանուֆակտուրային արտադրություն:

УРОВЕНЬ ПРОМЫШЛЕННОГО РАЗВИТИЯ АРМЕНИИ В КОНЦЕ XVIII И НАЧАЛЕ XIX ВЕКОВ

О. Е. ТУМАНЯН

(Р е з ю м е)

В изучаемый период времени в Армении господствовал феодальный строй. В соответствии с этим здесь существовали предкапиталистические формы промышленности, которые до сих пор обстоятельно не изучены историками и экономистами. Единственным источником в этой области является труд И. Шопена «Исторический памятник состояния Армянской области в эпоху ее присоединения к Российской империи», вышедший в 1852 г. В указанной работе Шопен не различает отдельные формы промышленности, в результате чего искажает действительную картину экономического уровня Армении в начале XIX в.

В настоящей статье сделана попытка восстановить действительное положение вещей и дать научное толкование проблемы. Исследование вопроса приводит к заключению, что в указанный период в Армении существовали домашняя промышленность, мелкотоварное производство, ремесла и зачатки мануфактурного производства.

¹ ՅԵ՛ս, «էջմիածին», 1938, էջ 31: